

INUIT ATAQATIGIIT INATSISARTUNI



UPA2022/048

05.05.22

Mikivsuk Thomassen

Isumaginninnermi ikiorsiissutit tunniunneqartartut atuuttut pillugit kaajallaasitaq nr. 294 ulloq 1. Januaari 2022 aallarnerfigalugu atuutilersumi §11 allanngorteqqullugu Naalakkersuisut peqquneqarnissaannik inatsisartut aalajangiiffigisassaattut siunnersuut, ulloq 1. Januaari 2023 atuutilersumik naliginnaasumik ilaqtariinnut paarsisartunut paaqqinninnerstiutit marloriaatinngortittussanngorlugit.

(Siumup Inatsisartunut ilaasortaataitai)

Siullertut qujavugut saqqummiisunut.

Angajoqqaasiaqartsitisarneq pillugu imaattumik oqaaseqassaagut, angajoqqaarsiaasartut illoqarfinni nunaqarfinnilu pinngitsoorsinnaasangilat meeqqat inuusuttuaqqallu toqqissisimanartumik peroriartornissaat, kiisalu pisortat aaliangigaanni inissiisariaqarlerneranni.

Angajoqqaarsiat imaannaangitsumik allatuulli paarsaqarnerminni aqqusaagaqarsinnaasarput, taakkuuppullu meeqqanut inuusuttuaqqanullu toqqissisimanartumik perorsaaniissaminnut peqataasut,

Angajoqqaarsiat ilaatigut tiguisinnaasarput meeqqap inunngorneraniit kiisalu inuusuttuaranngornerani, soorunami pisariaqartsitineq assigiinngissusermik peqartoqarpoq, ilaatigut aqqusaarneqartarpoq angajoqqaarsianut annertuumik sunniuteqarsinnaasumik.

Naalakkersuisut akissutaat maluginiarpara allaffissornerup iluani peqquteqartumik angajoqqaarsiat ilaatigut ilisimasariaqakkaminnik

INUIT ATAQATIGIIT INATSIARTUNI



tamakkiisumik apuussiffigineqartannginnerat soorunami tamanna
uggornartuuvoq aqqittariaqartorlu.

Ulloq unnuarlu angajoqqaarsianut inissiissagutta pingaaruteqarpoq
angajoqqaarsiaasartut pitsaasumik sullinneqartariaqartut, ilisimasariaqakkanillu
tunniussisinnaaneq aporfiusimappat tamanna piaartumik aqqiineqartariaqartoq
isumaqarpunga.

Angajoqqaarsianillu amigaateqartarneq pissusissamisuunngitsoq isigineqarpat
tamanna annertuumik akisussaaffimmik tiguisoqartariaqartoq
innersuussutigissavara, assersuutigissinnaavara ilaqartarmata
angerlarsimaffiup avataanut inissinneqarsimasut sakkortuumik
aqqusaagaqarsimanerup kingunerani kingunerlutsitinerit malitsigisaannik
ilungersunartumik inissittoqarsinnaasarmat tamannalu angajoqqaarsianut
nukippassuarnik atuiffiusinnaasarmat.

Angajoqqaarsianullu atugassarititaasut siunnersuinerillu
naammassimangippata kaammattuutigerusuppara tamanna
erseqqinnerusumik naqissuserneqartariaqartoq suliariaasip
erseqqissarneqarnissaa.

Toqqissisimasumik peroriartorneq qulakkeerneqassappat,
pinngitsoorneqarsinnaanngilaq angajoqqaarsiaasartunut aamma pitsaasumik
sullissisinnaaneq.

Ilaqutareeqarnermut peqqissutsimullu ataatsimiititaliamut innersuuppara
tassani tamakkiisumik qulaajaasoqarnissaa kissaatigivara.